

Бу ғафлат соати



08:00 / 03.02.2021 2560

Мусо ибн Муғира айтади: «Қоқ пешинда Муҳаммад ибн Сийриннинг бозорга такбир ва тасбеҳ айтиб, Аллоҳни зикр қилиб кираётганини кўрдим. Бир киши унга: «Эй Абу Бакр, шу вақтда ҳам зикр қиласизми?» деган эди, «Ҳа, бу ғафлат соати», деди».

Йўлдан азият берувчи нарсани олиб ташлаш

Абдуллоҳ ибн Курдус айтади: «Муҳаммад ибн Сийрин менга шундай деди: «Тушимда болдирлари олтиндан бўлган суҳбатдошни кўрдим. Унга: «Аллоҳ сенга нима қилди?» деган эдим, «У Зот мени кечирди, жаннатга киргизди ва икки болдирим ўрнига иккита олтиндан болдир берди ва улар билан жаннатдаги хоҳлаган еримга юборди», деди. Унга: «Қайси амалинг учун?» дедим. У: «Йўлдан азият берувчи нарсани олиб ташлаганим учун», деди».

«Солиҳлар гулшани» китобидан